



Republika e Kosovës
Republika Kosovo - Republic of Kosovo
Kuvendi - Skupština - Assembly

Legjislatura VII
Sesioni Pranveror

Kryesia e Kuvendit

P-007

Prishtinë, më 18 shkurt 2020, në orën 11:00

Ndërtesa e Kuvendit, salla C-301

P R O C E S V E R B A L

I MBLEDHJES SË KRYESISË SË KUVENDIT, E MBAJTUR MË 18 SHKURT 2020

Në mbledhje morën pjesë: Vjosa Osmani-Sadriu, kryetare e Kuvendit, Arbërie Nagavci, Kujtim Shala, Memli Krasniqi, Slavko Simiq dhe Fikrim Damka, nënkryetarë të Kuvendit.

Nga grupet parlamentare: Hekuran Murati, Arben Gashi, Bedri Hamza, Teuta Haxhiu, Haxhi Shala dhe Albert Kinolli.

Në mbledhje ishin të pranishëm:

Nga kabineti i kryetares: Faton Peci dhe Artan Murati.

Nga Administrata e Kuvendit: Ismet Krasniqi, Sali Rexhepi, Musli Krasniqi dhe Shefki Shoshaj.

Nga OSBE-ja: Sanije Berisha,

Nga EUSR-ja: Blerta Bejtullahu dhe

Nga KDI-ja: Jeta Krasniqi.

Mbledhjen e drejtoi kryetarja e Kuvendit, znj. Vjosa Osmani-Sadriu.

Kryesia, me propozimin e kryetares, i zhvilloi punimet me këtë:

Rend dite

1. Propozimi për formimin e grupeve të miqësisë,
2. Propozimi i anëtarëve në delegacione për përfaqësim të Kuvendit në organizata ndërkombëtare,
3. Shqyrtimi i kërkesave.

Kryetarja, në fillim të mbledhjes i njoftoi të pranishmit se Kuvendi të enjten e ardhshme nuk do të mbajë seancë plenare, ngase nuk ka pika të rendit të ditës që janë të gatshme për shqyrtim në seancë.

Pastaj, kryetarja procedoi me pikat e rendit të ditës, si në vijim:

1. Propozimi për formimin e grupeve të miqësisë

Kryetarja i njoftoi të pranishmit me propozimin për formimin e grupeve të miqësisë të Kuvendit të Kosovës me parlamentet e shteteve tjera, si dhe për rëndësinë që ato të formohen sa më parë, me qëllim që Kuvendi të zhvillojë bashkëpunimin ndërparlamentar.

Ajo propozoi disa ndryshime nga lista e grupeve të miqësisë nga Legjislatura e kaluar e Kuvendit. Diskutimi i plotë i kryetares është i dhënë në transkript.

Në lidhje me propozimin për formimin e grupeve të miqësisë, diskutuan: kryetarja e Kuvendit, Vjosa Osmani-Sadriu, dhe nënkryetarët e Kuvendit: Arbërie Nagavci dhe Memli Krasniqi, si dhe Hekuran Murati, në emër të GP të LVV-së; Arben Gashi, në emër të GP të LDK-së dhe Bedri Hamza, në emër të GP të PDK-së, diskutimet e të cilëve janë dhënë në transkript.

Pas diskutimeve, Kryesia me vota unanime e miratoi propozimin për formimin e 55 grupeve të miqësisë të Kuvendit të Kosovës me parlamentet e shteteve tjera.

Gjithashtu, Kryesia konstatoi se udhëheqja e grupeve të miqësisë duhet të ndahet ndërmjet grupeve parlamentare sipas formulës për ndarjen e udhëheqjes së komisioneve parlamentare.

2. Propozimi i anëtarëve në delegacione për përfaqësim të Kuvendit në organizata ndërkombëtare

Kryetarja i njoftoi të pranishmit se Kryesia e Kuvendit duhet t'i caktojë delegacionet e Kuvendit për përfaqësim në organizatat ndërkombëtare për Legjislaturën VII.

Pastaj, ajo procedoi me propozimet për formimin e delegacioneve, si në vijim:

2.1 Formimi i delegacionit të përhershëm të Kuvendit të Kosovës në Asamblenë Parlamentare të NATO-s

Kryesia pas diskutimeve, në lidhje me pikën e lartshënuar, nxori këtë:

P Ë R F U N D I M

1. Caktohet delegacioni i Kuvendit të Kosovës në Asamblenë Parlamentare të NATO-s me këtë përbërje, nga pozita: kryesuesi i delegacionit nga GP i LVV-së (emri i tij nuk u propozua) ndërsa zëvendëskryesues nga pozita u caktua deputetja Doruntinë Maloku-Kastrati, kurse nga opozita anëtar i këtij delegacioni u caktua deputeti Elmi Reçica, ndërsa një zëvendësanëtar nga opozita duhet të propozohet ndërkohë.

2. Kërkohet nga Grupi Parlamentar i LVV-së që ta propozojë deputetin për kryesues, si dhe nga Grupi Parlamentar i AAK-së që ta propozojë deputetin për zëvendësanëtar të delegacionit deri para mbledhjes së radhës së Kryesisë së Kuvendit.

2.2 Formimi i delegacionit të Kuvendit të Kosovës në Asamblenë Parlamentare të Frankofonisë

Kryesia, pas diskutoi lidhur me pikën e lartshënuar, nxori këtë:

P Ë R F U N D I M

1. Delegacioni i Kuvendit të Kosovës në Asamblenë Parlamentare të Frankofonisë do të jetë me këtë përbërje: Dy (2) anëtarë nga pozita, një (1) anëtar nga opozita dhe një (1) anëtar nga radha e deputetëve të komuniteteve joshumicë, sipas marrëveshjes së arritur në Kryesinë e Kuvendit.

2. Kërkohet nga grupet parlamentare që t'i propozojnë deputetët për anëtarë të delegacionit deri para mbledhjes së radhës së Kryesisë së Kuvendit, të cilët duhet ta njohin gjuhën frënge.

2.3 Formimi i delegacionit të Kuvendit të Kosovës në Komisionin e Përbashkët Parlamentar për Stabilizim-Asociim BE-Kosovë

Kryesia, pas diskutoi në lidhje me pikën e lartshënuar, nxori këtë:

P Ë R F U N D I M

1. Formohet delegacioni i Kuvendit të Republikës së Kosovës në Komisionin Parlamentar për Stabilizim-Asociim BE-Kosovë prej 13 anëtarëve, si në vijim: 7 (shtatë) anëtarë nga

pozita, duke përfshirë kryetarin e delegacionit dhe 6 (gjashtë) anëtarë nga opozita, duke përfshirë nënkryetarin e delegacionit, sipas marrëveshjes së arritur në Kryesinë e Kuvendit.

2. Kërkohej nga grupet parlamentare që ta propozojnë kryetarin, anëtarët dhe zëvendësit e tyre në delegacionin e Kuvendit të Republikës së Kosovës deri para mbledhjes së radhës së Kryesisë së Kuvendit.

3. Përfaqësuesi i Grupit Parlamentar të PDK-së i propozoi anëtarët e këtij delegacioni, si në vijim: deputeti Enver Hoxhaj, zëvendëskryesues, ndërsa për anëtarë: deputetja Blerta Deliu-Kodra dhe deputetja Ariana Musliu-Shoshi.

Në vazhdim, kryetarja i njoftoi të pranishmit edhe për disa organizata tjera ndërkombëtare, në të cilat Kuvendi i Kosovës merr pjesë vetëm kur është ftuar nga këto organizata ndërkombëtare.

Kryetarja tha se para se Kryesia e Kuvendit të vendosë për formimin e delegacioneve të Kuvendit për pjesëmarrje në organizata ndërkombëtare duhet të bëhen konsultime me Ministrinë e Jashtme.

3. Shqyrtimi i kërkesave

3.1 Kërkesa për lejimin e pjesëmarrjes në takimin e Asamblesë Parlamentare të NATO-s

Kryesia, pasi e shqyrtoi kërkesën e lartshënuar, mori këtë:

V E N D I M

Anëtarëve të delegacionit të Kuvendit të Republikës së Kosovës në Asamblenë Parlamentare të NATO-s: Doruntinë Maloku-Kastrati dhe Elmi Reçica, u lejohej udhëtimi zyrtar në Paris (Francë), prej 23 - 27 shkurt 2020.

3.2 Propozimi i Grupit Parlamentar Nisma për zëvendësimin e zëvendësanëtarit në Komisionin e Asamblesë Parlamentare të Procesit të Bashkëpunimit për Evropën Juglindore

Kryesia, pasi e shqyrtoi propozimin e lartshënuar, mori këtë:

V E N D I M

për ndryshimin dhe plotësimin e Vendimit nr. 07-V-02, datë 20. 1. 2020

I. Pika 3. e Vendimit nr. 07-V-02, datë 20. 1. 2020, ndryshohet dhe plotësohet si në vijim:
“Deputeti Endrit Shala caktohet zëvendësanëtar në Komisionin e Përgjithshëm për

Ekonomi, Infrastrukturën dhe Energjinë të Asamblesë Parlamentare të Procesit të Bashkëpunimit për Evropën Juglindore në vend të deputetit Haxhi Shala”.

3.3 Kërkesa e deputetes Lirije Kajtazi për lejimin e udhëtimit zyrtar

Kryesia, pasi e shqyrtoi kërkesën e lartshënuar, mori këtë:

V E N D I M

Deputetes së Kuvendit të Republikës së Kosovës, znj. Lirije Kajtazi, i lejohet udhëtimi zyrtar në Nju-Jork (SHBA), prej 7 - 12 mars 2020.

3.4 Njoftimi i nënkryetares së Kuvendit, znj. Arbërie Nagavci, për realizimin e udhëtimit zyrtar në Francë

Kryesia e Kuvendit u njoftua me shkrim nga nënkryetarja e Kuvendit, znj. Arbërie Nagavci, në lidhje me pjesëmarrjen e delegacionit të Kuvendit të Kosovës në Asamblesën Parlamentare të Këshillit të Evropës, të mbajtur në Strasburg (Francë), prej 26 - 29 janar 2020.

Të ndryshme:

Nënkryetarja e Kuvendit, znj. Arbërie Nagavci, e shtroi çështjen e organizimit të Programit hyrës për deputetët e Kuvendit, që janë zgjedhur për herë të parë, si dhe të përgatitet një informatë nga Administrata e Kuvendit për statusin e mandateve të anëtarëve të institucioneve dhe të agjencive të pavarura.

Gjithashtu, znj. Nagavci propozoi që Kuvendi ta mbajë seancë të veçantë për të shënuar Epopenë e UÇK-së, më 5, 6 dhe 7 Mars.

Deputetja Teuta Haxhiu, në emër të GP të AAK-së, propozoi që Kuvendi me rastin e 8 Marsit - Ditës Ndërkombëtare të Gruas, të organizojë seancë të veçantë.

Kryetarja e Kuvendit e mbylli mbledhjen e Kryesisë së Kuvendit në orën 12:25 minuta.

Kryetarja e Kuvendit
Vjosa Osmani - SADRIU

Procesverbalin e hartoi:

Drejtorja për Çështje Plenare dhe Procedurale